

#MASAT E MARRA NGA SHËRBIMI SOCIAL SHTETËROR GARANTUAN SHMANGIEN E ABUZIMEVE ME NDIHMË EKONOMIKE GJATË PERIUdhËS SË FUSHATËS ELEKTORALE

Mirëadministrimi i skemës së ndihmës ekonomike në periudhën e fushatës elektorale dhe mos lejimi i përdorimit të fondit të ndihmës ekonomike për qëllime elektorale ishte prioritet i punës së Shërbimit Social Shtetëror për të gjithë periudhën janar-qershor 2017. Përveç kontrollit konstant mbi bazën e planeve të kontrolleve të miratuara për të 12 Drejtoritë Rajonale, më 5 qershor 2017 Drejtori i Përgjithshëm i SHSSH përmes Urdhërit Nr.116 “ Për mirëmenaxhimin e skemës së ndihmës ekonomike” ngarkoi 12 drejtoritë rajonale me detyrën e kontrollit të hyrjeve të reja në skemën e ndihmës ekonomike në muajt maj dhe qershor. Këto të fundit në zbatim të këtij Urdhëri përfunduan brenda datës 20 qershor kontrollin e dokumentacionit të përfitimit të ndihmës ekonomike në të 61 Bashkitë e vendit. Nga kontrolli i 2002 dosjeve hyrje të reja apo rihyrje në skemë të ndihmës ekonomike u konstatuan shkelje të ligjit në përfitimin e ndihmës ekonomike për 135 familje në shkallë vendi. Grupet e kontrollit për çdo shkelje të konstatuar lanë detyrë largimin e familjeve nga skema, si dhe kthimin e fondeve në buxhetin e mbrojtjes sociale. Rikujtojmë se në fushatën elektorale të 2013 u konstatuan shkelje në dhënien e ndihmës ekonomike për 23.000 familje. Drejtoritë rajonale po vijojnë me kontrollet për muajin qershor.

KONTROLLOHEN 49 NJËSI VENDORE PËR ZBATIMIN E LEGJISLACIONIT PËR PAGESAT E NDIHMËS EKONOMIKE DHE AFTËSISË SË KUFIZUAR

Drejtoria e Kontrollit të NE dhe PAK ka zhvilluar kontroll në Bashkinë Kamëz. Qëllimi i grupit të kontrollit ka qenë verifikimi i punës së bërë mbi zbatimin e legjislacionit të NE, PAK dhe invalidëve të punës. Nga kontrolli janë konstatuar: 35 familje me pagesa të parregullta me efekt financiar 558.000 lekë, për shkak të mosdeklarimit të pagesës së aftësisë së kufizuar, për të cilat është lënë detyra arkëtimi i shumës. Gjithashtu gjatë rakordimit me postën u konstatua se 56 familje nuk kanë tërhequr pagesa për 3 muaj, si dhe u konstatuan 5 familje me deklarim të rremë gjatë vizitës në shtëpi. Është lënë detyrë largimi nga skema e ndihmës ekonomike për muajin maj-qershor 2017. Për pagesat e aftësisë së kufizuar u konstatua pagesë e parregullt për një individ PAK në vlerën prej 11.510 lekë dhe 1 invalid pune me efekt 3300 lekë.





Grupi i Kontrollit bëri gjithsej 15 vizita në familje, nga të cilat 3 nuk u gjetën në shtëpi dhe është lënë detyrë t'i kryhet vizita nga administratori shoqëror. Vetëm në një familje kishte mospërputhje me deklarin duke lënë si detyrë për drejtorinë rajonale refuzimi në muajin qershor për deklarin të rremë.

Për muajin Qershor 2017, Drejtorinë Rajonale të SHSSH kanë kontrolluar 47 njësi vendore. Nga kontrollet e ushtruara janë konstatuar 47 familje që kanë përfituar në kundërshtim me aktet ligjore me dëm ekonomik 681.224 lekë, 92 familje janë paguar me tepër me efekt 457.625 lekë, dhe në total efekti financiar për NE është 1.222. 729 lekë. Lidhur me kontrollin për pagesat e aftësisë së kufizuar janë konstatuar pagesa të parregullta për 40 persona me aftësi të kufizuar me efekt 5.099.848 lekë dhe 1 invalid pune me efekt 406.300 lekë.

Kontrollet e ushtruara nga SHSSH, në përputhje me legjislacionin synojnë jo vetëm zbatimin korrekt të ligjit nga njësitë vendore në kryerjen e pagesave për ndihmën ekonomike dhe aftësinë e kufizuar, por edhe sqarimin e administratorëve shoqërorë me qëllim përmirësimin e punës së tyre.

Gjithashtu, Drejtorinë e Kontrollit të NE dhe PAK gjatë muajit qershor ka kryer kontroll tematik në Bashkinë Peqin në njësitë administrative Peqin, Karinë, Përparim dhe Shezë. Grupi i kontrollit ka verifikuar çdo dosje hyrje të re e rifutje në skemën e NE. U kontrolluan gjithsej 32 dosje për ligjshmërinë në dokumentacionin e kërkuar nga ku rezultoi se vetëm në 3 dosje mungonte dokumenti i tokës. Gjithashtu për 2 familje, në njëren u gjet procesverbali për refuzim i vizitës në shtëpi dhe tek dosja tjetër për ndarje të qëllimshme është lënë detyrë refuzimi nga skema e NE për muajin qershor.



SHSSH së bashku me Drejtorinë Rajonale bazuar në Planin e Veprimit për vitin 2017 do të vazhdojë të kontrollojnë të gjitha njësitë vendore të Shqipërisë, për të shmangur dëmin ekonomik, për të identifikuar problemet e hasura, dhe për të larguar të gjithë abuzuesit nga skema e përfitimit të NE dhe PAK.

#Jo vetëm monitorim, por edhe mbështetje e stafëve me kapacitete

Në zbatim të Planit të Veprimit për vitin 2017, dhe forcimit të kapaciteteve të stafëve të IPSH-ve, Drejtoria e Shërbimeve Sociale në SHSSH, ka zhvilluar një trajnim me stafin e Shtëpisë së Moshuarve në Shkodër.

Në fokus të trajnimit ishin temat:

- ☉ 1-Komunikimi me përfituesit e shërbimeve,
- ☉ 2-Kodi i sjelljes,
- ☉ 3-Të drejtat e përfituesve,
- ☉ 4-Ndjekja e procedurave për mbrojtjen e përfituesve



Për vitin 2017 janë planifikuar trajnime të tjera për fuqizimin akoma me tej të stafëve të IPSH-ve dhe Drejtorive Rajonale në bashkëpunim me organizata të ndryshme, partnere të SHSSH.

#IMPAKTISOCIAL

#Në Kukës

Në zbatim të marrëveshjes së nënshkruar ndërmjet MMSR dhe Bashkisë Tropojë, vazhdon bashkëpunimi me stafin e Shërbimeve Sociale në këtë Bashki, për hartimin e Planit Social. Drejtoria Rajonale SHSSH Kukës vazhdon të koordinojë punën midis Bashkive dhe Institucioneve të tjera për vijimin e këtij procesi deri në finalizimin me sukses të hartimit të Planit Social në Qarkun Kukës. Ministria e Mirëqënies Sociale dhe Rinisë ka nënshkruar Paktet Sociale me të gjitha Bashkitë e vendit për hartimin e planeve sociale, dhe marrjen e përgjegjesive që u takon secilës palë për të ofruar shërbime sociale për të gjithë familjet dhe qytetarët në nevojë.

#Në Gjirokastër

Drejtorja Rajonale SHSSH Gjirokastër, në bashkëpunim me Drejtorinë e Shërbimeve Sociale të Bashkisë Gjirokastër, organizuan një takim konsultativ. Tema e diskutimit ishte: Vlerësimi i Nevojave për Kujdesin Shoqëror në Bashkinë Gjirokastër, në kuadër të Hartimit të Planit Social për këtë Bashki. Hartimi i Planit Social, është një proces i rëndësishëm, dhe që mund të realizohet më së miri përmes partneritetit të të gjithë faktorëve lokalë.



#Në Fier

Edhe Drejtorja Rajonale SHSSH Fier në kuadër të hartimit të planeve sociale ka zhvilluar një takim me strukturat e Drejtorisë së Ndihmës Ekonomike të Bashkisë Fier me fokus vlerësimin e nevojave të përkujdesit shoqëror të planit social. Ky proces gjithashtu siguron një ndërgjegjësim më të mirë rreth nevojave në komunitet në bazë të vlerësimit të nevojave, duke sugjeruar veprime konkrete për të ofruar shërbime më cilësore për komunitetin.



#Rrisim sigurinë në Qendrën Polivalente Ditore Kamëz të përkujdesit social



Qendra Polivalente Ditore Kamëz bashkë me personelin dhe specialistë të PMNZSH, finalizoi Trajnimin me Temë: "Masat që nevojiten dhe parandalimi në kohë të zjarrit". Ky bashkëpunim efikas me Policinë e Zjarrëfikësve të Mbrojtjes nga Zjarri dhe Shpëtimi, krijon mundësinë për rritjen më tej të sigurisë në Institucionet e Përkujdesit Shoqëror për Personat me Aftësi të Kufizuar. Njohja dhe zbatimi i këtyre rregullave janë të detyrueshme si për personat që frekuentojnë këtë qendër, por edhe për stafin.

#Korçë : Shërbimi për karrike me rrota për personat me aftësi të kufizuara

FShDPaK në bashkëpunim me Shërbimin Social Shtetëror, Drejtorinë Rajonale SHSSH Korçë zhvilloi trajnimin me administratorë shoqërorë, të njësive administrative të qarkut Korçë dhe specialistëve të D.R.SH.S.SH, në lidhje me shërbimin e ofrimit të karrikeve me rrota. Ky trajnim ofroi për pjesëmarrësit njohuri teorike dhe praktike në përputhje me standardet e OBSH për këtë shërbim. Pjesëmarrësit do të certifikohen për këtë shërbim duke u dhënë mundësinë që në të ardhmen, në njësitë administrative ku punojnë, të jenë ata vlerësuesit e personave me aftësi të kufizuara që kanë nevojë të pajisen me karrike me rrota.



#ÇDO DITË DIÇKA TË RE PËR TË MOSHUARIT



Gjatë muajit qershor, me ftesë të drejtuesve të teatrit “Metropol” banorët e Shtëpisë së të Moshuarvë në Tiranë, kanë ndjekur shfaqjen “Fundi i Lojës”. Me të ardhurat nga biletat, grupi i artistëve bëri dhurata për të moshuarit, si dhe kaluan një pasdite me ta. Shtëpia e të Moshuarve vizitohet çdo muaj nga grupe të ndryshme për t’u gjendur pranë banorëve, duke u solidarizuar me ta, për t’i bërë të ndihën si në familje. Falenderimet shkojnë për grupin e artistëve, teatrin “Metropol” dhe çdo njeri që gjen kohë për të qendruar pranë të moshuarve.